





MAJLIS PENUTUPAN

Fiesta Sayangi Malaysiaku

Sempena Sambutan Hari Kebangsaan Ke-62 dan Hari Malaysia 2019



18 September 2019 (Rabu) | 9.00 Pagi
Dewan Astaka, UMP Gambang

We ❤️ UMP

UNIVERSITI MALAYSIA PAHANG





General

Perpaduan hadiah tidak ternilai dan perlu dipelihara

20 September 2019

Kuantan, 18 September—Perpaduan adalah hadiah tidak ternilai dan perlu dipelihara serta dihargai semua rakyat yang hidup berbilang kaum seperti di negara yang kita cintai ini. Perpaduan terhasil apabila rakyat daripada pelbagai etnik dan agama saling hormat- menghormati antara satu sama lain dan sentiasa berhati-hati serta menyedari sensitiviti dan agama serta budaya masing-masing demi keharmonian antara kaum.

Menurut Dr. Al-Azhari Siddiq Kamunri daripada Majlis Keselamatan Negara, Jabatan Perdana

Menteri berkata, tema `Malaysia Bersih' begitu sesuai untuk dihayati rakyat Malaysia dalam bersama-sama dengan kerajaan dalam berusaha membentaras rasuah dan ke arah negara yang bersih.

“Bila kita mempunyai perasaan kebersamaan maka perbezaan dalam kalangan rakyat yang berbilang kaum ini boleh diatasi dengan mudah kerana yang paling penting kita perlu fahami dalam dunia moden ini ialah kita tidak boleh hidup secara bersendirian dan kita saling memerlukan antara satu sama lain.

Jika kita tidak mempunyai semangat kekitaan, maka ancaman keselamatan Negara pada masa hadapan ialah disebabkan perpecahan kaum,” katanya dalam program Bicara Merdeka sempena Majlis Penutup Fiesta Sayangi Malaysiaku sempena Sambutan Bulan Kebangsaan Peringkat UMP 2019 anjuran Jabatan Pendaftar.

Ujarnya lagi, sekiranya perpecahan kaum berlaku pada masa akan datang ianya bukan daripada generasi akan datang tetapi generasi kita pada hari ini yang tidak menyemai bibit-bibit perpaduan dengan baik.

“Kalau kita masih lagi membuat perkara yang memecah belahkan perpaduan, maka akan memupuk budaya negatif kepada generasi yang akan datang. Paling penting pemimpin pada hari ini perlu mempromosikan nilai-nilai Malaysia yang baik serta mengenang jasa pemimpin terutamanya dalam mencapai kemerdekaan,” tambahnya lagi.

Beliau turut menasihati agar golongan mahasiswa dan generasi baharu kini terus mengenang perjuangan orang terdahulu agar perasaan kasih sayang dan cintakan Negara tidak terhakis dan akan kekal selamanya.

Hadir sama dalam program Timbalan Naib Canselor (Hal Ehwal Pelajar & Alumni UMP), Prof. Dato Dr. Yuserrie Zainuddin dan Ahli Lembaga Pengarah UMP, Prof. Dato' Ts. Dr. Rosli Mohd Yunus.

Bagi Prof. Dato Dr. Yuserrie, saban tahun UMP menganjurkan pelbagai program bagi memeriahkan sambutan bulan Kebangsaan bagi menerapkan semangat patriotisme terhadap tanahair.

Ianya berupaya menampilkan perspektif patriotisme yang unik dalam konteks peranan UMP sebagai sebuah menara gading dan gedung ilmu pengetahuan terutamanya buat generasi muda untuk menghayati erti dan nilai kemerdekaan dengan penuh keinsafan juga kesyukuran.

Disediakan Nor Salwana Mohamad Idris daripada Bahagian Komunikasi Korporat

- 256 views

[View PDF](#)

